

Radunonza communal da dils 26 da mars 2021

Total persunas cun dretg da votar: 460 persunas
Presentas: 54 persunas = 11.73 %

A caschun dalla radunonza communal ei vegniu tratg las suandontas decisziuns:

Tractanda 3

Approbaziun revisiun parziala lescha da baghegiar, art. 22 – zona turistica «Hotel La Mutta»

La revisiun parziala dalla lescha da baghegiar, art. 22 zona turistica Hotel La Mutta vegn approvada unanim.

Cun l'approbaziun da quella revisiun parziala vegn prolunghiu per 5 onns la limitaziun temporara tenor lescha da baghegiar per la zona turistica Hotel La Mutta. Aschia han ins avunda temps da sviluppar ils projects turistics. Plinavon vegn igl artechel pertuccau dalla lescha da baghegiar actualisau.

Tractanda 4

Approbaziun revisiun reglament per far diever dallas vias e sendas communalas

Il reglament determinescha l'utilisaziun da vias e sendas communalas e dil terren communal entras vehichels a motor, motos e mopeds. Quei en connex cun il scamond general da carrar e da parcar en vischnaunca.

La revisiun dil reglament existent vegn approvada cun 52 encunter 0 vuschs.

Tractanda 6

Presentaziun quen final sanaziun piazza da giug e sport e damonda da credit supplementar

Il quen final per la sanaziun dalla piazza da giug e sport a Bigliac munta fr. 386'203.20.

Il credit supplementar corrispundent da fr. 86'203.20 vegn concedius unanim.

Allas 21.55 uras siara il president communal la radunonza.